



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

§. V. Quando Constitutio mutanda, quando non?

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Ecclesiisque, quibus deferviebant, dari; praeceptum suum per Leges confirmat, quā viā insinuat, se propriā autoritate tale quid non præcipere, sed Principum potestate.

III. Sine Principum consensu non valuisse Constitutionem Tridentini Concilii contentam C. 6. SESS. XXIV. de Reform. Matr. quā jubet, ut Puellæ Raptor, ac omnes, qui Raptori auxilium, consilium favorem ve præbent, sint eo ipso infames, omniumque Dignitatum incapaces.

Idem dicendum de Constitutione Concilii Lateranensis sub INNOCENTIO III. celebrati, relatā, Cap. 13. de Hæret. qua Credentes, Receptatores, Defensores, Fautores Hæretorum, si excommunicati intrā annum non satisfecerint, fiant infames, omniumque Officiorum incapaces, nec non & ad illa eligendi, testimoniī ferendi in Judicio, agendi pro fe vel pro aliis, Successionis accipiendā, & per Testamentū in alios transmittendā; Hanc etiam ob causam Imperator FREDERICUS Constitutionem istam utilem ratus, in Legem convertit, nonnullis detractis, quæ Potestati Spirituali tribuere videbantur, quæ soli Temporali competunt; Refertur Lex FREDERICI in V. COLLECT. C. 2. de HÆRET. ab Honorio III. factā, eisdem penē terminis concepta est, ac citata Concilii Lateranensis Constitutio, quoad illa, quæ utriusque sunt communia, cùmque illa isti posterior ex eo judicetur, quod Honorus III. in Collectione sua nihil inferuit, quod post Innocentio III. mortem non sit constitutum, consequens est, ut Lex FREDERICI ex Concilii Lateranensis Constitutione desumpta sit.

Consequentiam tertiam justam esse patet ex eo, quod Officiorum, Actionum Juriūque Civilium capacitas à Jure Civili pendet, ideoque Infamia pœna, que ad illa omnia inhabilem reddit, à solā Potestate Civili irrogari potest.

IV. Non valuisse Canones, qui Servituti iterū subiectū Clericos, qui Misam per Horas Canonicas, pro Dominis, à quibus Liberi facti sunt, celebrare nolunt, nisi à Principe probati sint. C. 4. de Servis non ordin. prout in 1. Compil. inter illos Canones colloquandū Can. 1. CAUS. XVIII. QUÆST. I. sumitur ex Concilio apud Altheum anno 917. celebrato, cui CONRADUS Rex adfuisse dicitur.

Sunt aliae Constitutiones Ecclesiasticae circā res Temporales, quibus Seculares Leges circā easdem res conditæ executioni mandantur. Tales videntur, 1. Canones, qui Iudeis prohibent, ne Servos Christianos habent; qui à Judeis circumcisos, Servos Christianos libertate donant; qui Iudeis Officia publica committī vetant, qui Servorum manumittendi modum præscribunt, qui Iudeis Veteres Synagogas retinere permitunt, Novas construere prohibent. Quicunque Canones, qui jubent, veterante quod Leges jam præcepant, vel veterantur, ut videre est LIB. I. LEG. 2. TIT. X. COD. LIB. I. LEG. 18. TIT. IX. ibid LIB. I. LEG. 2. TIT. XIII. ibid. Hac in re Legum autoritatem agnoscent expresse. C. 13. DIST. LIV. CAP. 1. de Servis non ord. prout est in 1. COMPIL. C. 3. de Iudeis. CAP. 13. 18. DIST. LIV. CAP. 1. 2. 18. 19. de Iudeis. C. 14. DIST. LIV. C. 16. de Iudeis. C. 1. de Servis non ord. C. 3. 7. de Iudeis. precipiunt Textus, quī hujusmodi Constitutiones contineant. 2. Canones, qui prohibent, ne Rei, Servi, Debitores ad Ecclesiæ confugientes hinc per vim extrahantur. Praeire hāc in re Leges Canonibus patet, ex COD. JUSTIN. LIB. I. LIT. XII. collato cum TIT. XLIX. LIB. III. DECRETAL. Præterea INNOCENTIUS III. C. 6. istius Tit. de Immunitate Ecclesiæ, illam ex Legibus oriri & juxta Leges de illa jūdicandum docet. 3. Canones, qui Testamentorum executionem quoad Causas pias Episcopo tribuant, si illam Hæredes neglexerint, quales sunt inter alios. C. 3. C. 17. de Testam. Agnoscit siquidem S. Gregorius in CAP. 3. de Testam. mox cit. memoratam Episcoporum potestatem a Civilibus Legibus emanare. 4. Canones, qui Clericos à Juramento Calumniæ exime-

bant; id agnoscit HONORIUS II. C. 1. de Juramento Calumn. In eo enim Privilegium istud refertur ad Justiniani Legem, quā voluit, ut Canones Legis vim habeant, & ad Henrici Imperatoris Constitutione n. quā, circa hujusmodi Juramentum, Legem istam serviri præcipit. Henrici Constitutionis Pars inferitur in cit. Cap. Habet integra in C. 1. de Juram. Calumn. in 1. Compil.

Quæ supersunt dicenda de Canonibus circā Res Temporales & de Legibus circā Res Spirituales fūsiū explicabuntur in Dissertatione speciali circā utrumque Canonum vel Legum genus.

### S. V.

#### Quando Constitutio mutanda, quando non.

Difficultatis hujus solutioni præmitendum est, inter Constitutiones Ecclesiasticas, nullas esse immutabiles, præter illas, quæ credendum aliquid vel agendum quidpiam tamquam à Deo mandatum, præcipiant, has autem esse immutabiles patere ex C. 2. 3. CAUS. XXIV. QUÆST. I. C. 12. CAUS. XXV. QUÆST. II. C. 1. CAUS. XXXV. QUÆST. IX. aliisque similibus, ubi, quæ sēmel definita sunt, non posse mutari dicuntur, hæc enim alter, quā dictum est, intelligi non possunt.

### REGULA.

Constitutiones mutandæ sunt, quoties necessitas vel utilitas Publica id exposcent, præsertim, si sit urgens necessitas, vel evidens utilitas: alias non sunt mutandæ.

Ex C. 2. DIST. XIV. inferri potest, item ex C. 8. de Confang. & Affin. C. 24. de Sent. Excom. in VI. Extravag. 2. JOANNIS XXII. de Verb. Signif.

RATIO: Eadem est mutanda, ac condenda Constitutionis causa, condenda autem non est Constitution, nisi propter necessitatem vel utilitatem publicam. C. 41. CAUS. I. QUÆST. I. C. 23. CAUS. I. QUÆST. VII.

Ex primâ Parte sequitur, mutandas esse Constitutiones. 1. Quæ difficultatem frequenter inducent, & aliquando periculum pariunt Animarum. ibid.

2. Quæ sine peccato, nullo modo, observari queunt. C. 20. de Præscript.

3. Quæ non sufficiunt ad curandos ingraevescentes morbos; novis enim morbis nova antidota sunt præparanda. C. 5. de Juram. Calumn.

4. Quæ minus utiles succedente Tempore sunt, vel esse deprehenduntur. C. 24. de Sent. Excom. in VI.

Ex 2. Parte sequitur, 1. Constitutiones, quas diuturnitas Temporis observavit, ac usus Consuetudinis hactenus approbatæ retinunt, non esse mutandas; Novitates enim sine gravi causa inductæ, discordiam pariunt; levisque non est Usus longiæ autoritas. C. 2. de Constat. in integ. C. 9. de Confut.

2. Superiore coram Deo Reum fieri, qui utiliter finita, bene ordinata ac quovis modo roborata, sine causa justa rescindit, hæc dignum contumeliam effici, ut, quæ ipse bene constituit, Successores sine causa dissolvant. C. 7. CAUS. XXV. QUÆST. II. C. 2. CAUS. XXXV. QUÆST. IX.

### S. VI.

#### An Constitutio omnes sibi Subditos æqualiter liget; & Qui sunt illi Subditos?

Ut Certa ab Incertis discernantur, Notandum.

1. Quod Constitutio, quæ fit in Juris Naturalis vel Divini Executionem, omnes ligat æqualiter, tamen Superiores, quā Inferiores; cùm omnes æqualiter subiæti utriusque Juri, atque idcirco illa Condetem, ac sibi Subiectos comprehendit: De hoc genere Constitutionis intelligentius videtur Canon. 2. DIST. IX. docens, Principes teneri suis Legibus.

2. Conſti-